

**SESIÓN EXTRAORDINARIA CELEBRADA POLO PLENO DO CONCELLO O DÍA
11 / OUTUBRO / 2000**

SUMARIO

Economía, Facenda e Desenvolvemento Local

1. PROPOSTA DO PRESIDENTE DA COMISIÓN INFORMATIVA DE ECONOMÍA, FACENDA E DESENVOLVEMENTO LOCAL, DO DÍA 25.09.00, REFERIDA Ó EXPEDIENTE ADMINISTRATIVO DE MODIFICACIÓN DA ORDENANZA FISCAL REGULADORA DO IMPOSTO SOBRE BÉNS INMOBLES NESTE CONCELLO.
2. PROPOSTA DO PRESIDENTE DA COMISIÓN INFORMATIVA DE ECONOMÍA, FACENDA E DESENVOLVEMENTO LOCAL, DO DÍA 25.09.00, REFERIDO Ó EXPEDIENTE ADMINISTRATIVO DE MODIFICACIÓN DA ORDENANZA FISCAL REGULADORA DO IMPOSTO SOBRE VEHÍCULOS DE TRACCIÓN MECÁNICA.
3. PROPOSTA DO PRESIDENTE DA COMISIÓN INFORMATIVA DE ECONOMÍA, FACENDA E DESENVOLVEMENTO LOCAL, DO DÍA 26.09.00, REFERIDA Á MODIFICACIÓN DA ORDENANZA FISCAL REGULADORA DO IMPOSTO SOBRE BENS INMOBLES DO CONCELLO.
4. PROPOSTA DO PRESIDENTE DA COMISIÓN INFORMATIVA DE ECONOMÍA, FACENDA E DESENVOLVEMENTO LOCAL, DO DÍA 26.09.00, REFERIDA Á MODIFICACIÓN DA ORDENANZA FISCAL REGULADORA DO IMPOSTO SOBRE VEHÍCULOS DE TRACCIÓN MECÁNICA NESTE CONCELLO.
5. IMPOSICIÓN E ORDENACIÓN DA TAXA POLA UTILIZACIÓN DE LOCAIS MUNICIPAIS PARA A CELEBRACIÓN DE MATRIMONIOS CIVÍS; ORDENANZA FISCAL REGULADORA DO TRIBUTO.
6. IMPOSICIÓN E ORDENACIÓN DE TAXA POLA PRESTACIÓN DO SERVIZO DE AXUDA NO FOGAR NO CONCELLO DE REDONDELA; ORDENANZA FISCAL REGULADORA DO TRIBUTO.
7. MODIFICACIÓN NA ORDENANZA FISCAL REGULADORA DA TAXA POR SERVIZO DE MATADEIROS, LONXAS E MERCADOS, ASÍ COMO A CARREXA DE CARNES, SE HOUBERA DE EMPREGARSE DUN XEITO OBRIGATORIO E SERVIZOS DE INSPECCIÓN EN MATERIA DE ABASTOS, INCLUÍDA A UTILIZACIÓN DE MEDIOS DE PESAR E MEDIR.

Interior

8. PROPOSTA DA ALCALDIA S/ FIXACIÓN FESTA LOCAIS PARA 2001

Urbanismo

9. PROPOSTA DA COMISIÓN INFORMATIVA DE URBANISMO S/CORRECCIÓN DE ERROS NO DOCUMENTO DAS NORMAS SUBSIDIARIAS DE PLANEAMENTO DE ÁMBITO MUNICIPAL DE REDONDELA
10. PROPOSTA DA ALCALDÍA S/ CONSTITUCIÓN SOCIEDADE "TANAMAÑO, SOCIEDAD LIMITADA".

Serie A N.º 1175926

EL NUMERADO
CORPORACIÓN
LOCAIS

Na Casa do Concello de Redondela, sendo as dezanove horas do día **once de outubro do ano dous mil**, baixo a Presidencia do Sr. Alcalde, Acctal D. MANUEL JAVIER NÚÑEZ SALGADO, e a asistencia dos/as Sres/as Concelleiros/as: D. EMILIO GONZÁLEZ IGLESIAS, DONA. M^a DEL PILAR MARTÍNEZ GONZÁLEZ, DONA. M^a DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D. CARLOS GONZÁLEZ FERNÁNDEZ, D^a. M^a. DEL CARMEN RODRÍGUEZ RIVAS, D. MANUEL RAMÓN CONDE ROMERO, D. EMILIO SÁNCHEZ SANTORIO, D. JOSE LUIS ALONSO BASTOS, D. MANUEL PUENTES SAAVEDRA, D. LUIS MÍGUEZ BOULLOSA, D. XOSÉ CARLOS PAZOS DOCAMPO, D. XOSÉ LUIS GRANDE GRANDE e DONA. ÁNXELES GONZÁLEZ GÓMEZ, e asistindo o Sr. Interventor, D. MODESTO SOLLA SANZ, actuando como Secretario o titular da Corporación D. LUÍS TORRADO VÁZQUEZ, constitúese o Pleno do Concello, en sesión extraordinaria, conforme á convocatoria e de acordo coa Orde do Día remitida a tódolos Sres/as Concelleiros/as, coa antelación legalmente requerida.

A Presidencia declara aberta a sesión en primeira convocatoria, procedéndose a trata-los puntos da Orde do Día.-

1.-PROPOSTA DO PRESIDENTE DA COMISIÓN INFORMATIVA DE ECONOMÍA, FACENDA E DESENVOLVEMENTO LOCAL, DO DÍA 25.09.00, REFERIDA Ó EXPEDIENTE ADMINISTRATIVO DE MODIFICACIÓN DA ORDENANZA FISCAL REGULADORA DO IMPOSTO SOBRE BÉNS INMOBLES NESTE CONCELLO.

Pola Presidencia dase conta da Proposta do Presidente da Comisión Informativa de Economía, Facenda e Desenvolvemento Local, de data 25 de Setembro, dictaminada favorablemente pola Comisión Informativa, que transcrita dí:

"Visto o expediente administrativo correspondente á modificación da ordenanza fiscal reguladora do Imposto sobre Bens Inmobles neste Concello, tramitado como consecuencia dunha proposta desta Presidencia do día 13.12.99 (páxina 1 do expediente administrativo).

Vistas das dúas reclamacións formuladas durante o período de exposición ao público do expediente administrativo (páxinas 16 á 20 do expediente).

Visto o indicado nun informe do Interventor Xeral deste Concello, do día 23.03.00, referencia T 21/00 (páxinas 32 á 44 do expediente administrativo).

Tendo en conta a imposibilidade legal de aplicar con carácter retroactivo, dende o día 01.01.00, a modificación da ordenanza fiscal reguladora do Imposto sobre Bens Inmobles neste Concello, e vista a falta de exposición ao público do correspondente anuncio no taboleiro de anuncios deste Concello.

Esta Presidencia proponlle ao Concello Pleno a adopción do seguinte acordo:

"Non aprobar definitivamente a modificación da ordenanza fiscal reguladora do Imposto sobre Bens Inmobles neste Concello, rematando e arquivando o expediente administrativo referido á modificación citada".

0248922

O Pleno do Concello, por unanimidade dos/as Sres/as Concelleiros/as asistentes, acordou prestarlle a súa aprobación á proposta antes transcrita.

2.-PROPOSTA DO PRESIDENTE DA COMISIÓN INFORMATIVA DE ECONOMÍA, FACENDA E DESENVOLVEMENTO LOCAL, DO DÍA 25.09.00, REFERIDO Ó EXPEDIENTE ADMINISTRATIVO DE MODIFICACIÓN DA ORDENANZA FISCAL REGULADORA DO IMPOSTO SOBRE VEHÍCULOS DE TRACCIÓN MECÁNICA.

Pola Presidencia dase conta de Proposta do Presidente da Comisión Informativa de Economía, Facenda e Desenvolvemento Local, de data 25 de Setembro do 2000, dictaminada favorablemente pola Comisión Informativa, que transcrita dí:

"Visto o expediente administrativo correspondente á modificación da ordenanza fiscal reguladora do Imposto sobre vehículos de tracción mecánica neste Concello, tramitado como consecuencia dunha proposta desta Presidencia do día 12.11.99 (páxinas 1 á 6 do expediente administrativo).

Vistas as tres reclamacións formuladas durante o período de exposición ao público do expediente administrativo (páxinas 37 á 41 do expediente).

Visto o indicado nun informe do Interventor Xeral deste Concello, do día 22.03.00, referencia T 19/00 (páxinas 53 á 69 do expediente administrativo).

Tendo en conta a imposibilidade legal de aplicar con carácter retroactivo, desde o día 01.01.00, a modificación da ordenanza fiscal reguladora do Imposto sobre vehículos de tracción mecánica neste Concello, e vista a falta de exposición ao público do correspondente anuncio no taboleiro de anuncios deste Concello.

Esta Presidencia proponlle ao Concello Pleno a adopción do seguinte acordo:

"Non aprobar definitivamente a modificación da ordenanza fiscal reguladora do Imposto sobre vehículos de tracción mecánica neste Concello, rematando e arquivando o expediente administrativo referido á modificación citada".

O Pleno do Concello, por unanimidade dos/as Sres/as Concelleiros/as asistentes, acordou prestarlle a súa aprobación á proposta antes transcrita.

3.-PROPOSTA DO PRESIDENTE DA COMISIÓN INFORMATIVA DE ECONOMÍA, FACENDA E DESENVOLVEMENTO LOCAL, DO DÍA 26.09.00, REFERIDA Á MODIFICACIÓN DA ORDENANZA FISCAL REGULADORA DO IMPOSTO SOBRE BENS INMOBLES DO CONCELLO.

Pola Presidencia dase conta de Proposta de data 22 de Setembro do 2000, dictaminada favorablemente pola Comisión Informativa de Economía, Facenda e Desenvolvemento Local, que transcrita dí:

Serie A N.º 1175927

"Vista a ordenanza fiscal reguladora do Imposto sobre Bens Inmóbles, IBI, neste Concello e tendo en conta que os tipos de gravame non foron variados desde o acordo plenario do día 6 de outubro de 1989, esta Presidencia propónlle ó Concello Pleno a adopción dos seguintes acordos:

"Primeiro.-Modificar provisoriamente os artigos 2 e 4 ordenanza fiscal reguladora do Imposto sobre Bens Inmóbles neste Concello, que quedarán redactados do seguinte xeito:

<Artigo 2.

O tipo de gravame do Imposto sobre Bens Inmóbles aplicable ós bens de natureza urbana queda fixado no 0,605 por 100.

Artigo 4.

Esta ordenanza fiscal entrará en vigor o día da súa publicación íntegra no Boletín Oficial da Provincia e comezará a aplicarse a partir do día 1 de xaneiro do ano 2001, permanecendo en vigor até a súa modificación ou derogación expresa>.

Segundo.-Expoñer ó público o acordo de modificación provisoria da ordenanza fiscal citada, durante o prazo de trinta días, dentro dos cales os interesados e as interesadas poderán examinar o expediente e presentar por escrito as reclamacións que estimen oportunas.

Rematado o período de exposición ó público, adoptaránse os acordos definitivos que procedan, resolvendo as reclamacións que se presentaran e aprobando a redacción definitiva da modificación da ordenanza. No caso de que non se presentaran reclamacións, entenderáse definitivamente adoptado o acordo até enton provisorio, sen necesidade de novo acordo plenario."

Pola Presidencia ábrese o correspondente turno de debate.

Concedida a palabra pola Presidencia, polo Concelleiro Sr. Pazos Docampo, prestase aprobación a proposta correspondente a este asunto.

Concedida a palabra pola Presidencia, polo Concelleiro Sr. Conde Romero, maniféstase que polo equipo de goberno se sigue na carreira recaudatoria emprendida, indicando que Concellos limítrofes semellantes a Redondela, están por debaixo no aumento dos impostos, e remata a súa intervención pedindo que o aumento dos mesmos se faga de forma razoable e sinalando que as economías se arranxa, non recaudando máis senón gastando menos ou invertindo mellor, e considera que o debate deste asunto pode servir para o punto seguinte.

Concedida a palabra pola Presidencia polo Concelleiro Sr. González Iglesias, sinálase que o PP cando está na oposición da unha imaxe e cando gobernan fan outra cousa distinta. Continúa o citado Sr. Concelleiro decindo que o discurso do PP é o de sempre e que outros Concellos limítrofes están por enriba na imposición fiscal e remata a súa intervención dirixíndose ó Sr. Conde Romero, ó decirlle ó mesmo que según lle consta por Deputación o esforzo fiscal deste Concello é moi baixo estando por debaixo incluso de Pontearreas e considera que non hai desproporción algunha na función impositiva deste Concello.



EL NUMERADO
CORPORACIÓN
LOCAIS

Concedida a palabra pola Presidencia polo Concelleiro Sr. Conde Romero, sinalase que os Concelleiros do PP non gobernaron neste Concello e que o PSdeG-PSOE leva dezasete anos gobernando en Redondela, indicando que noutros Concellos similares a Redondela os impostos son menores que neste e remata a súa intervención decindo que o aumento proposto dun tirón o considera abusivo e que BNG fai tres anos non houbera aceptado e que só aceptará un aumento dun 5% e sinón se acepta votaran en contra da proposta.

Concedida a palabra pola Presidencia polo Concelleiro Sr. González Iglesias, maniféstase que os Concelleiros do PSdeG-PSOE naquela ocasión ofertaron ó PP no goberno e por escrito un saneamento da Facenda Local, o que supoñía un aumento de impostos, pero que non recibiron contestación algunha. Remata a súa intervención o citado Sr. Concelleiro decindo que a proposta que se trae hoxe ó Pleno, este asunto constitúe unha realidade, pero que non van a admitir rebaixa neste asunto, como se se tratara dun mercado, e que co goberno do PP as liquidacións resultaron con déficit.

Concedida a palabra pola Presidencia polo Concelleiro Sr. Conde Romero, se sinala que é moi fácil que neste Goberno non haxa déficit orzamentario xa que non se recoñecen os gastos e pide os que gobernan que o fagan con respecto e responsabilidade xa que o pobo non está en situación de que se cobre máis, e ramata a súa intervención decindo que cando se fixo a campaña electoral non se falou do aumento de pensións.

Concedida a palabra pola Presidencia polo Sr. González Iglesias, se sinala que se falou de actualización de taxas e impostos na campaña electoral non incumprindo por tanto os seus programas electorais, e que o déficit se produxo no anterior goberno do PP, mentras que o equipo de goberno actual ten zanzadas facturas do ano 97, e intención do mesmo en poñer o día o asunto do pago de factura atrasadas, e remata a súa intervención decindo que considera unha barbaridade que se discuta na imposición fiscal un aumento do 10% da mesma cando o imposto non se subiu en dez anos.

Non habendo unanimidade de criterios, pola Presidencia sométese a **votación** o presente asunto.

Efectuada ésta obtívose o seguinte resultado: Votos en contra os/as Sres/as Concelleiros do PP (5); Votos a favor os/as Sres/as Concelleiros/as do PSdeG-PSOE (8), e os/as Sres/as Concelleiros/as do BNG (3). Na súa consecuencia por maioría de votos resultou aprobada a proposta da Alcaldía antes transcrita.

4.-PROPOSTA DO PRESIDENTE DA COMISIÓN INFORMATIVA DE ECONOMÍA, FACENDA E DESENVOLVEMENTO LOCAL, DO DÍA 26.09.00, REFERIDA Á MODIFICACIÓN DA ORDENANZA FISCAL REGULADORA DO IMPOSTO SOBRE VEHÍCULOS DE TRACCIÓN MECÁNICA NESTE CONCELLO.

Pola Presidencia dase conta da proposta de data 22 de Setembro do 2000, dictaminada favorablemente pola Comisión Informativa de Economía, Facenda e Desenvolvemento Local, que transcrita di:

"Vista a ordenanza fiscal reguladora do Imposto sobre vehículos de tracción mecánica neste Concello.

Serie A N.º 1175928

Tendo en conta a nova redacción dada ó artigo 96 da Lei 39/1988, do 28 de decembro, Reguladora das Facendas Locais pola Lei 50/1998, do 30 de decembro, de Medidas Fiscais, Administrativas e da Orde Social.

Tendo en conta que as cuotas do Imposto citado non foron variadas neste Concello desde o ano 1994.

Dada a posibilidade legal de establecer bonificacións a vehículos históricos ou que teñan unha antigüidade mínima de 25 anos, esta Presidencia propónlle ó Concello Pleno a adopción dos seguintes acordos:

"Primeiro.- Aprobar provisoriamente a modificación dos artigos 3 e 4 e da disposición final da ordenanza fiscal reguladora do Imposto sobre vehículos de tracción mecánica no Concello de Redondela, artigos e disposición final que quedarán redactados do seguinte xeito:

< Artigo 3. Exencións e bonificacións.

1. Estarán exentos do Imposto:

1.1) Os vehículos oficiais do Estado, Comunidades Autónomas e Entidades Locais, sempre que estén adscritos á defensa nacional ou á seguridade cidadana.

1.2) Os vehículos de representacións diplomáticas, oficinas consulares, axentes diplomáticos e funcionarios consulares de carreira acreditados en España, que sexan súbditos dos respectivos países, externamente identificados e a condición de reciprocidade na súa extensión e grado.

Así mesmo, os vehículos dos organismos internacionais con sede ou oficina en España e dos seus funcionarios ou membros con estatuto diplomático.

1.3) As ambulancias e demais vehículos directamente destinados á asistencia sanitaria, que pertencen á Cruz Vermella.

1.4) Os coches de minusválidos a que se refire o número 20 do anexo do Real Decreto Lexislativo 339/90, de 2 de marzo, polo que se aproba o texto articulado da Lei sobre o tráfico, circulación de vehículos a motor e seguridade vial, e os adaptados para a súa conducción por persoas con discapacidade física, sempre que a súa potencia sexa inferior a 14 ou 17 cabalos fiscais e pertencen a persoas minusválidas ou discapacitadas fisicamente, con grado de minusvalía inferior ó 65 por 100, ou igual ou superior ó 65 por 100, respectivamente. En calquera caso, os suxeitos pasivos beneficiarios desta exención non poderán disfrutala por máis de un vehículo simultaneamente.

Para os efectos do indicado neste apartado considerarase:

- Coche de minusválido: aquel vehículo con tara non superior a 300 kg. e que pola súa construción non pode alcanzar en llano unha velocidade superior a 40 km/hora, proxectado e construído (e non meramente adaptado) para uso dunha persoa con algunha disfunción ou incapacidade física.

- Coche adaptado para a súa conducción: aquel vehículo que, construído en serie, sufrira modificacións ou reformas nalgún dos seus mecanismos tales como



EL NUMERADO
CORPORACIONES
LOCAIS

acelerador en pe esquerdo, freno de pe en volante, acelerador á altura das mans, etc., para poder ser conducido por minusválidos físicos e figuren as correspondentes modificacións ou reformas no apartado "reformas autorizadas" da ficha técnica do vehículo homologada polo organismo competente.

Así mesmo, considerarase vehículo adaptado aquel que fabricado con aplicación de novas tecnoloxías facilite a súa conducción por persoas diminuídas físicas (como, por exemplo, vehículos automáticos sen pedal de embrague) e sempre que conste esta circunstancia no permiso de conducir do titular do vehículo.

- Persoa con minusvalía ou discapacitada físicamente: quen teña esa condición legalmente recoñecida en grado igual ou superior ó 33 por 100, consonte ó báremo da disposición adicional segunda da Lei 26/1990, do 20 de decembro, pola que se establecen na Seguridade Social prestacións non contributivas.

1.5) Os vehículos que, tendo unha potencia inferior a 17 cabalos fiscais, estén destinados a ser utilizados como autoturismos especiais para o transporte de persoas con minusvalía en cadeira de rodas, ben directamente ou previa a súa adaptación; circunstancias que deben constar na ficha técnica do vehículo homologada polo organismo competente.

Os efectos do disposto neste apartado, consideraranse persoas con minusvalía aquelas que cumpran as condicións indicadas no último párrafo do apartado 1.4.

Para acceder á exención prevista neste apartado será preciso xustificar o cumprimento simultáneo das seguintes condicións:

a) Que o vehículo sexa un autoturismo especial para o transporte en exclusiva de persoas con minusvalía en cadeira de rodas.

b) Que o titular do vehículo non este suxeito ó Imposto sobre actividades económicas por actividade principal ou complementaria relacionada co transporte de persoas ou que, estando suxeito, por estas actividades, resultare exento por aplicación do establecido na Lei 30/1994 de fundación e incentivos fiscais á participación privada en actividades de interese xeral.

1.6) Os autobuses urbanos adscritos ó servizo de transporte público en réxime de concesión administrativa outorgado polo Concello de Redondela.

1.7) Os tractores, remolques, semirremolques e maquinaria provistos da Cartilla de Inspección Agrícola.

2. Para poder gozar das exencións ás que fan referencia os apartados 1.4; 1.5 e 1.7 do apartado 1 do presente artigo, os interesados e interesadas deberán solicitar a súa concesión ó Concello de Redondela indicando as características do vehículo, a súa matrícula e causa do beneficio, aportando a documentación correspondente en función do beneficio solicitado e das condicións indicadas, para cada suposto.

3. Establécense as seguintes bonificacións:

Serie A N.º 1175929

Terán unha bonificación do 100 por 100 da cuota do Imposto (indicada no artigo 4 desta ordenanza) os vehículos catalogados como "históricos" polo organismo competente, e aqueles que teñan unha antigüidade mínima de vintecinco anos contados a partir da data da súa fabricación; se esta fora descoñecida documentalmente, tomarase como tal a da súa primeira matriculación ou, no seu defecto, a data na que o correspondente tipo ou variante deixara de fabricarse.

Para poder gozar das bonificacións indicadas os interesados e interesadas deberán solicitar a súa concesión ó Concello de Redondela indicando as características do vehículo e acompañando certificacións acreditativas do seu carácter histórico ou da súa antigüidade mínima de 25 anos segundo o indicado no paragrafo anterior.

4. A concesión de beneficios fiscais, a instancia dos suxeitos pasivos, surtirá efectos para o exercicio seguinte a aquel en que se formulara a súa solicitude.

5. De non recair resolución expresa dentro do prazo no que deban ser resoltas, entenderase desestimadas as peticións de exencións e bonificacións reguladas no presente artigo.

Artigo 4. Cuota.

De conformidade co previsto no artigo 96.4 da Lei 39/1988, do 28 de decembro, Reguladora das Facendas Locais, as tarifas anuais do Imposto sobre vehículos de tracción mecánica neste Concello son as seguintes:

Cuota

Potencia e clase de vehículo

Pesetas

A) Turismos:

A.1 De menos de 8 cabalos fiscais	2.500
A.2 De 8 até 11,99 cabalos fiscais	7.000
A.3 De 12 até 15,99 cabalos fiscais	15.000
A.4. De 16 até 19,99 cabalos fiscais	19.000
A.5 De 20 cabalos fiscais en adiante	29.100

B) Autobuses:

B.1 De menos de 21 prazas	17.000
B.2 De 21 a 50 prazas	24.700
B.3 De máis de 50 prazas	31.000



EL NUMERADO
CORPORACIÓN
LOCAIS

C) Camións:

C.1 De menos de 1.000 kilogramos de carga útil	8.700
C.2 De 1.000 a 2.999 kilogramos de carga útil	17.000
C.3 De máis de 2.999 a 9.999 kilogramos de carga útil	25.000
C. 4 De máis de 9.999 kilogramos de carga útil	31.000

D) Tractores:

D.1 De menos de 16 cabalos fiscais	3.300
D.2 De 16 a 25 cabalos fiscais	5.300
D.3. De máis de 25 cabalos fiscais	16.000

E) Remolques e semirremolques arrastrados por vehículos de tracción mecánica:

E.1. De menos de 1.000 e máis de 750 kilogramos de carga útil	3.600
E.2. De 1.000 a 2.999 kilogramos de carga útil	5.700
E.3. De máis de 2.999 kilogramos de carga útil	17.300

F) Outros vehículos:

F.1. Ciclomotores	1.100
F.2. Motocicletas até 125 centímetros cúbicos	1.100
F.3. Motocicletas de máis de 125 até 250 centímetros cúbicos	2.200
F.4. Motocicletas de máis de 250 até 500 centímetros cúbicos	4.500
F.5. Motocicletas de máis de 500 até 1.000 centímetros cúbicos	9.000
F.6. Motocicletas de máis de 1.000 centímetros cúbicos	17.000

Disposición final.-

Esta ordenanza fiscal entrará en vigor o día da súa publicación íntegra no Boletín Oficial da Provincia, e comezará a aplicarse a partir do día 1 de xaneiro do ano 2001, permanecendo en vigor até a súa modificación ou derogación expresa.>

Segundo.-Expoñer ó publico o acordo de modificación provisoria da ordenanza fiscal citada, durante o prazo de trinta días, dentro dos cales os interesados e as interesadas poderán examinar o expediente e presentar por escrito as reclamacións que estimen oportunas.

Serie A N.º 1175930

Rematado o período de exposición ó público, adoptaránse os acordos definitivos que procedan, resolvendo as reclamacións que se presentaran e aprobando a redacción definitiva da modificación da ordenanza. No caso de que non se presentaran reclamacións, entenderáse definitivamente adoptado o acordo até enton provisorio, sen necesidade de novo acordo plenario."

Visto o informe do Sr. Interventor Xeral de data 25 de Setembro do 2000, Rfª.- T 121/00.

Pola Presidencia ábrese o correspondente turno de debate, os/as Concelleiros/as asistentes remítense neste punto o debate producido no punto anterior.-

Non habendo unanimidade de criterios, pola Presidencia sométese o asunto a votación.

Efectuada ésta obtívose o seguinte resultado: Votos en contra os/as Sres/as Concelleiros do PP (5); Votos a favor os/as Sres/as Concelleiros/as do PSdeG-PSOE (8), e os/as Sres/as Concelleiros/as do BNG (3). Na súa consecuencia por maioría de votos o Pleno do Concello adoptou os seguintes acordos:

Primeiro.- Resolve-los reparos formulados polo Sr. Interventor no seu informe de data 25 de Setembro do 2000, Rfª.- T 121/00.

Segundo.- Aprobar a Proposta antes transcrita

5.-IMPOSICIÓN E ORDENACIÓN DA TAXA POLA UTILIZACIÓN DE LOCAIS MUNICIPAIS PARA A CELEBRACIÓN DE MATRIMONIOS CIVÍS; ORDENANZA FISCAL REGULADORA DO TRIBUTO.

Pola Presidencia dase conta de Proposta de data 26 de Setembro do 2000, dictaminada favorablemente pola Comisión Informativa de Economía, Facenda e Desenvolvemento Local, que transcrita di:

"Tendo en conta o número de matrimonios civís realizados en locais municipais deste Concello.

Vistos os gastos ocasionados a este Concello pola celebración de matrimonios civís, especialmente os realizados ás tardes, en sábados, domingos ou feirados.

Considerando, aos efectos do establecido no artigo 24.1 da Lei 39/1988 do 28 de decembro (Reguladora das Facendas Locais), que os gastos medios ocasionados ao Concello de Redondela pola celebración de cada matrimonio civil son os seguintes:

* Persoal	8.000 pesetas
* Enerxía eléctrica	400 pesetas
* Limpeza	2.500 pesetas
* Mantemento	500 pesetas

Total 11.400 pesetas



EL NUMERADO
CORPORACIONES
LOCAIS

Este Presidente proponlle ao Concello Pleno a adopción dos seguintes acordos:

"Primeiro.-Acordar a imposición e ordenación da taxa pola utilización de locais municipais para a celebración de matrimonios civís.

Segundo.-Aprobar provisoriamente a ordenanza fiscal reguladora do tributo, coa seguinte redacción:

<Ordenanza fiscal reguladora da taxa pola utilización de locais municipais para a celebración de matrimonios civís

Artigo 1.- Natureza e fundamento.

Ao abeiro do establecido nas facultades reguladas nos artigos 133.2 e 142 da Constitución Española do 28 de decembro de 1978; 106 da Lei 7/1985 do 2 de abril, reguladora das bases de réxime local, 20 e 58 da Lei 39/1988 do 28 de decembro, Reguladora das Facendas Locais acordase a imposición e ordenación da taxa pola utilización de locais municipais para a celebración de matrimonios civís.

Artigo 2.- Feito imponible.

2.1 Constitúe o feito imponible desta taxa a utilización de locais de dominio público local para a celebración de matrimonios civís.

2.2 Non estarán suxeitos ao pagamento de taxas os matrimonios civís realizados na Casa do Concello os venres (agás feirados) de 12 a 14 horas.

Artigo 3.- Suxeitos pasivos.

Serán suxeitos pasivos obrigados ao pago da taxa os usuarios dos locais, entendéndose por tales os contraintes, que quedan obrigados solidariamente.

Artigo 4.- Exencións e bonificacións.

Agás o disposto en normas de rango legal e tratados internacionais, non se admitirán exencións e bonificación na taxa regulada nesta ordenanza fiscal.

Artigo 5.- Cuota.

Corresponderá abonar pola utilización do dominio público local indicado nesta ordenanza fiscal, unha tarifa fixa de 10.000 pesetas.

Artigo 6.- Devengo e ingreso.

6.1. A cuota da taxa regulada nesta ordenanza fiscal devégase no momento en que se solicite a celebración dun matrimonio civil en locais de dominio público deste Concello, entendéndose por tal inicio a recepción da solicitude no rexistro xeral deste Concello.

6.2. Os solicitantes realizarán, simultaneamente coa solicitude, o ingreso na recadación municipal do importe da cuota da taxa indicada no artigo 5 desta ordenanza.

Serie A N.º 1175931

EL NUMERADO
CORPORACIÓN
LOCAIS

6.3. No suposto de que, con posterioridade á presentación da solicitude e antes da fixación da data da cerimonia, os solicitantes desistiran documentalmente da utilización dos locais de dominio público local, procederá a devolución de oficio do 75 por 100 do importe sinalado no artigo 5 desta ordenanza fiscal.

Artigo 7.- Infraccións e sancións.

Para todo o relativo a infraccións tributarias así como a súa calificación e as sancións procedentes estarase ao disposto na Lei Xeral Tributaria, na Lei de dereitos e garantías dos contribuintes e na restante normativa de aplicación.

Artigo 8.- Entrada en vigor.

Esta ordenanza fiscal entrará en vigor ao día seguinte da súa publicación no Boletín Oficial da Provincia e comezará a aplicarse o día 1 de xaneiro do ano 2001, permanecendo vixente até a súa modificación ou derogación>.

Terceiro.- Publicar anuncio de exposición pública, durante trinta días hábiles, do acordo no Boletín Oficial da Provincia de Pontevedra, nun dos xornais de maior difusión provincial,, así como no taboleiro de anuncios do Concello, ao obxecto de que os interesados e as interesadas poidan examinar o expediente administrativo e presentar por escrito as reclamacións que consideren oportunas.

Cuarto.- Entender definitivamente aprobada a ordenanza fiscal reguladora do tributo no suposto de que non foran presentadas reclamacións por escrito (no período de exposición ao público antes citado) sen necesidade de adoptar novo acordo plenario naquel sentido; ou, no seu caso, adoptar o acordo de aprobación definitiva do tributo con resolución expresa das reclamacións formuladas.

Publicar, rematado o prazo de exposición ao público, e no caso de que non houbera reclamacións, o acordo de imposición e ordenación do tributo e o texto íntegro da ordenanza fiscal no Boletín Oficial da Provincia de Pontevedra".

Pola Presidencia dase conta do informe do Interventor Xeral de data 3 de Outubro do 2000, Rfª.- T 124/00.

O Pleno do Concello, por unanimidade dos/as Sres/as Concelleiros/as asistentes adoptou os seguintes acordos:

PRIMEIRO.- Resolve-los reparos formulados polo Sr. Interventor no seu informe de data 3 de Outubro do 2000, Rfª.- T 124/00.

SEGUNDO.- Aprobado a Proposta antes transcrita.-

6.-IMPOSICIÓN E ORDENACIÓN DE TAXA POLA PRESTACIÓN DO SERVIZO DE AXUDA NO FOGAR NO CONCELLO DE REDONDELA; ORDENANZA FISCAL REGULADORA DO TRIBUTO.

Pola Presidencia dase conta de proposta de data 26 de Setembro do 2000,

dictaminada favorablemente pola Comisión Informativa de Economía, Facenda de Desenvolvemento Local, que transcrita dí:

"Visto o prezo público pola prestación do servizo de axuda no fogar do Concello de Redondela (BOP número 52, do 17.03.99).

Considerando que as contraprestacións obxecto do prezo público citado son máis propias dunha taxa.

Considerando excesiva a contía de tarifa en vigor para o prezo público citado.

Esta Presidencia proponlle ao Concello Pleno a adopción dos seguintes acordos:

"Primeiro.- Acordar a imposición e ordenación da taxa pola prestación do servizo de axuda no fogar do Concello de Redondela.

Segundo.- Aprobar provisoriamente a ordenanza fiscal reguladora do tributo, coa seguinte redacción:

<Ordenanza fiscal reguladora da taxa pola prestación do servizo de axuda no fogar do Concello de Redondela

Artigo 1.- Natureza e fundamento.

Ao abeiro do establecido nas facultades reguladas nos artigos 133.2 e 142 da Constitución Española do 28 de decembro de 1978; 106 da Lei 7/1985 do 2 de abril, reguladora das bases de réxime local, 20 e 58 da Lei 39/1988 do 28 de decembro, Reguladora das Facendas Locais acordase a imposición e ordenación da taxa pola prestación do servizo de axuda no fogar do Concello de Redondela.

Artigo 2.- Feito imponible.

2.1 Constitúe o feito imponible desta taxa a prestación do servizo de axuda no fogar concedido ao través dos Servizos Sociais do Concello de Redondela consonte ao disposto na "Ordenanza reguladora da organización, funcionamento, réxime sustantivo e forma de prestación do programa de axuda no fogar do Concello de Redondela".

Artigo 3.- Suxeitos pasivos.

Serán suxeitos pasivos, obrigados ao pagamento desta taxa, as persoas que voluntariamente, ben de forma temporal ou con carácter estable, se beneficien do servizo.

Artigo 4.- Exencións e bonificacións.

Agás o disposto en normas con rango de lei ou tratados internacionais, non se admitirán exencións e bonificacións na taxa regulada nesta ordenanza fiscal.

Artigo 5.- Cuota.

5.1. A cuota tributaria por este servizo virá determinada por:

Serie A N.º 1175932

a) A duración do servizo concertado.

b) Os ingresos "Per cápita" de cada membro da unidade familiar, entendendo como tal o conxunto de persoas que conviven co usuario/a do servizo, incluído éste/a. Se a unidade familiar está integrada so por unha persoa, o ingreso "Per cápita" calcularase dividindo os ingresos totais entre 1,5.

5.2. A cuota mensual a pagar, será a resultante de multiplicar o número de horas de prestación do servizo pola tarifa/hora que corresponda, segundo a escala seguinte:

Ingresos per cápita, pts.	Pesetas/ hora
0 a 50.00	0
50.000 a 60.000	75
60.001 a 70.000	145
70.001 a 80.000	290
80.001 a 90.000	435
90.001 a 100.000	635
100.001 a 110.000	875
máis de 110.001	1.455

Artigo 6.- Devengo, período impositivo e ingreso.

6.1. A taxa regulada nesta ordenanza fiscal devengarase no momento en que se notifique a inclusión do/a beneficiario/a no programa de axuda no fogar deste Concello.

6.2. O período impositivo será mensual.

6.3. O pago da taxa efectuarase a mes vencido mediante domiciliación bancaria que outorgará o solicitante do servizo, por escrito, no momento da súa inclusión no mesmo.

6.4. Causarán baixa inmediata no servizo aqueles beneficiarios/as que teñan unha demora no pago de dous meses consecutivos ou tres alternos, previo informe dos Servizos Sociais do Concello.

Artigo 7.- Infraccións e sancións.

Para todo o relativo a infraccións tributarias así como a súa calificación e as sancións procedentes estarase ao disposto na Lei Xeral Tributaria, na Lei de dereitos e garantías dos contribuíntes e na restante normativa de aplicación.

Artigo 8.- Normas adicionais.

8.1. Para poder usar o servizo é condición indispensable que o solicitante este empadroado no Concello de Redondela, cunha antigüidade mínima de tres anos, debendo manter o empadramento citado durante todo o tempo que dure a prestación do servizo.



NUMERADO
PORACIONES
LOCAIS

A antigüidade citada poderase obviar no caso de empadroados en Redondela que acollan a familiares residentes noutros Concellos por circunstancias sociais, que valorarán os técnicos municipais no momento de formular a proposta correspondente.

8.2. O/a solicitante do servizo, unha vez avaliada a situación polos técnicos municipais, deberá concertar co departamento de Servizos Sociais os obxectivos, programacións, actividades e outros aspectos que estableza a traballadora social.

8.3. A concesión, denegación ou suspensión do servizo, producirase mediante acordo da Comisión de Goberno a vista de cada expediente administrativo e á vista do informe-proposta do departamento de Servizos Sociais.

Disposicións finais

Primeira.- Para o non previsto nesta ordenanza fiscal aplicarase o establecido na Lei Xeral Tributaria, Lei de dereitos e garantías dos contribuíntes e restante normativa de aplicación.

Segunda.- Esta ordenanza fiscal entrará en vigor ó día seguinte da súa publicación no Boletín Oficial da Provincia de Pontevedra, e comezará a aplicarse o día 1 de xaneiro do ano 2001, permanecendo en vigor até a súa modificación ou derogación.

Disposición derogatoria.

A partir do día 1 de xaneiro do ano 2001, queda derogado o "Prezo público pola prestación do servizo de axuda no fogar do Concello de Redondela", BOP número 52, do 17.03.99".>

Terceiro.- Publicar anuncio de exposición pública, durante trinta días hábiles, dos acordos no Boletín Oficial da Provincia de Pontevedra, nun dos xornais de maior difusión provincial, así como no taboleiro de anuncios do Concello, ao obxecto de que os interesados e as interesadas poidan examinar o expediente administrativo e presentar por escrito as reclamacións que consideren oportunas.

Cuarto.- Entender definitivamente aprobada a ordenanza fiscal reguladora do tributo no suposto de que non foran presentadas reclamacións por escrito (no período de exposición ao público antes citado) sen necesidade de adoptar novo acordo plenario naquel sentido; ou, no seu caso, adoptar o acordo de aprobación definitiva do tributo con resolución expresa das reclamacións presentadas.

Quinto.- Publicar, rematado o prazo de exposición ao público, e no caso de que non houbera reclamacións, o acordo de imposición e ordenación do tributo e o texto íntegro da ordenanza fiscal no Boletín Oficial da Provincia de Pontevedra.

Sexto.- Derrogar, a partir do día 01.01.01, o prezo público pola prestación do servizo de axuda no fogar do Concello de Redondela."

Pola Presidencia dase conta do informe do Sr. Interventor Xeral do Concello de data 4 de Outubro do 2000, Rfª.- T 125/00.

Serie A N.º 1175933

Pola Presidencia ábrese o correspondente turno de debate.

Concedida a palabra pola Presidencia ó Concelleiro Sr. Conde Romero, manifestase que a taxa correspondente a esta Ordenanza debe de ser asumida polo Concello pola insignificancia da mesma.

Concedida a palabra pola Presidencia polo Concelleiro Sr. González Iglesias, polo mesmo sinálase que a agora nesta Ordenanza a taxa se baixa bastante con respecto o que había antes e que os Concellos teñan que pagar e facer fronte a competencia dos Servizos Sociais que corresponden a Xunta de Galicia.

Concedida a palabra pola Presidencia polo Concelleiro Sr. Conde Romero, indícase que se ben o PP no anterior goberno posiblemente se equivocou na súa actuación agora é o PSdeG-PSOE o que se equivoca.

Concedida a palabra pola Presidencia, polo Concelleiro Sr. González Iglesias maniféstase que os tres millóns que ten que poñer o Concello por Servizos Sociais é competencia do Goberno da Xunta de Galicia e remata a súa intervención decindo que agora moitas persoas poderán acceder ó servizo de axuda no fogar pola baixa na cuantía de pago que agora se sinala, ó contrario do que ocurría co anterior goberno do PP. neste asunto de axuda no fogar.

Non habendo unanimidade de criterios, pola Presidencia sométese a **votación** o presente asunto.

Efectuada ésta obtívose o seguinte resultado: Votos en contra os/as Sres/as Concelleiros do PP (5); Votos a favor os/as Sres/as Concelleiros/as do PSdeG-PSOE (8), e os/as Sres/as Concelleiros/as do BNG (3). Na súa consecuencia por maioría de votos, **O Pleno do Concello**, adoptou os seguintes acordos:

PRIMEIRO.- Resolve-los reparos formulados polo Sr. Interventor no seu informe de data 4 de Outubro do 2000, Rfª.- T 125/00.

SEGUNDO.- Aprobar a Proposta antes transcrita.-

7.-MODIFICACIÓN NA ORDENANZA FISCAL REGULADORA DA TAXA POR SERVIZO DE MATADEIROS, LONXAS E MERCADOS, ASÍ COMO A CARREXA DE CARNES, SE HOUBERA DE EMPREGARSE DUN XEITO OBRIGATORIO E SERVIZOS DE INSPECCIÓN EN MATERIA DE ABASTOS, INCLUÍDA A UTILIZACIÓN DE MEDIOS DE PESAR E MEDIR.

Pola Presidencia dase conta da proposta do Presidente da Comisión Informativa de Economía, Facenda e Desenvolvemento Local, de data 27 de Setembro do 2000, dictaminada favorablemente pola Comisión Informativa, que transcrita dí:

"Vista a ordenanza fiscal reguladora da taxa por servizos de matadeiros, lonxas e mercados, así como a carrexas de carnes, se houbera de empregarse dun xeito obrigatorio, e servizos de inspección en materia de abastos, incluída a utilización de medios de pesar e medir.



EL NUMERADO
CORPORACIONES
LOCAIS

Considerando preciso incluír na tarifa da ordenanza a contía a abonar polo supermercado así como polos postos ubicados no exterior do mercado de Redondela, e recoller a indicación expresa referida á inclusión na tarifa das cuotas que no seu caso procedesen por recollida do lixo, subministro de auga e sumidoiro, así como a anulación de tódolos recibos de lixo, subministro de auga e sumidoiro dos postos dos mercados de Redondela e Chapela.

Esta Presidencia propónlle ao Concello Pleno a adopción dos seguinte acordos:

"Primeiro: Modificar provisionalmente a ordenanza fiscal reguladora da taxa por servizos de matadeiros, lonxas e mercados, así como a carrega de carnes, se houbera de empregarse dun xeito obrigatorio e servizos de inspección en materia de abastos, incluída a utilización de medios de pesar e medir; modificación que afectará ao seu anexo que quedará redactado do seguinte xeito.

<Anexo

Primeiro: Tarifa

Mercado de Redondela	Pts/mes	Pts/día
a) Sala central		
a.1 Bancadas	4.344	
a.2 Carnicerías	21.720	
b) Pranta baixa		
b.1 Apoiados (froita)	10.860	
b.2 Bancadas	3.258	
b.3 Cafetería	21.720	
c) Primeiro andar		
c.1 Apoiados	8.688	
c.2 Supermercado.....	150.000	
d) Postos por día (peixe da ría)		317
e) Exterior		
e.1 Postos no exterior do mercado		200
Mercado de Chapela		
1. Caixóns fechados	2.098	
2. Bancadas:		
2.1 Postos fixos de peixe	699	
2.2 Postos eventuais de calquera artigo		54
2.3 Cada cesta de calquera artigo		36

Segundo.-Nos importes indicados enténdense incluídos os importes correspondentes ao subministro de auga, sumidoiro e recollida do lixo de cada posto,

Serie A N.º 1175934

agás supermercado.

Terceiro.- O Concello de Redondela anulará, de oficio, tódolos recibos emitidos aos titulares de postos nos mercados municipais por subministro de auga, sumidoiro e recollida do lixo, anteriores a entrada en vigor da modificación desta ordenanza fiscal>.

Segundo.- O expediente administrativo referido á modificación da ordenanza fiscal reguladora da taxa por servizos de matadeiros, lonxas e mercados, así como a carrega de carnes, se houbera de empregarse dun xeito obrigatorio, e servizo de inspección en materia de abastos, incluída a utilización de medios de pesar e medir, exporase ao público durante trinta días hábiles, mediante anuncio no taboleiro de anuncios do Concello, no Boletín Oficial da Provincia e nun dos xornais de maior circulación provincial, coa finalidade de que os interesados poidan examinar o expediente administrativo citado e presentar por escrito as reclamacións que consideren oportunas.

Terceiro.- Rematado o período de exposición ao público, o acordo de modificación considerárase definitivamente adoptado no suposto de que non se formulará nengunha reclamación sen necesidade de novo acordo plenario, debéndose publicar no Boletín Oficial da Provincia o texto íntegro da modificación da ordenanza fiscal antes do día 31.12.00.

No suposto de que foran formuladas reclamacións dentro do prazo citado requirirase novo acordo plenario resolvendo aquelas e aprobando definitivamente, no seu caso, a modificación da ordenanza fiscal.

Cuarto.- A modificación da ordenanza fiscal reguladora da taxa por servizos de matadeiros, lonxas e mercados, así como a carrega de carnes, se houbera de empregarse dun xeito obrigatorio, e servizos de inspección en materia de abastos, incluída a utilización de medios de pesar e medir, unha vez aprobada definitivamente, entrará en vigor a partir da súa publicación no Boletín Oficial da Provincia e comezará a aplicarse a partir do día 1 de xaneiro do ano 2001".

Pola Presidencia dase conta do informe do Sr. Interventor Xeral do Concello de data 4 de Outubro do 2000, Rfª.- 126/00.

Pola Presidencia ábrese ó correspondente turno de debate:

Concedida a palabra pola Presidencia polo Concelleiro Sr. Conde Romero sinálase que a taxa correspondente a esta Ordenanza é superior a que se cobra noutros Concellos de superior poboación, indicando o citado Sr. Concelleiro que con esta política o Goberno vai a cerrar o mercado, o conservatorio e haberá menos postos na feira, e ramata a súa intervención decindo que non é razoable os impostos que se impoñen no mercado tendo en conta os servizos que se lle dan os usuarios do mesmo, sendo polo tanto o seu voto contrario a proposta que se trae a este Pleno correspondente a Ordenanza de referencia.

Concedida a palabra pola Presidencia polo Concelleiro Sr. González Iglesias, sinálase que nesta Ordenanza o que se propón é unha baixa real nos impostos dos usuarios do mercado xa que coa anterior ordenanza se pagaría máis que en medianas superficies de supermercados e que os vendedores favorecen a instalación do



NUMERADO
CORPORACIÓNS
LOCAIS

supermercado xa que iso supoñeríalles unha menor imposición, e que por outro lado o anterior goberno do PP non cobraba os recibos do mesmo.

Concedida a palabra pola Presidencia polo Concelleiro Sr. Conde Romero, sinálase que os mercados de Redondela e de Chapela necesitan de unha remodelación de arriba a abaixo, e que por outro lado deberían rebaixarse as taxa dos mesmos.

Concedida a palabra pola Presidencia polo Concelleiro Sr. González Iglesias, sinálase que o Concello xa lle tiña proposto os usuarios do Concello que fixeran a limpeza e o mantemento do mercado pola súa conta como contraprestación da imposición fiscal do Concello no mercado, pero que non se puxeron de acordo e que o Concello non quere soportar cargas.

Non habendo unanimidade de criterios, pola Presidencia sométese a votación o presente asunto.

Efectuada ésta obtívose o seguinte resultado: Votos en contra os/as Sres/as Concelleiros do PP (5); Votos a favor os/as Sres/as Concelleiros/as do PSdeG-PSOE (8); Abstencións os/as Sres/as Concelleiros/as do BNG (3). Na súa consecuencia o non haberse acadado a maioría absoluta de votos requeridos pola Lei non pudo ser aprobada a proposta do Presidente da Comisión Informativa de Economía, Facenda e Desenvolvemento Local antes transcrita.

8.-PROPOSTA DA ALCALDIA S/ FIXACIÓN FESTA LOCAIS PARA 2001.-

Pola Presidencia dase conta da súa proposta, de data 6 de outubro de 2000, que dí:

"Visto o artigo 37.2 do RDL 1/95, do 24 de marzo, polo que se aproba o texto refundido da Lei do Estatuto dos Traballadores, e artigo 46 do RD 2001/1983, do 28 de xullo (dacordo co RD 1561/1995, do 21 de setembro, sobre xornadas especiais de traballo), esta Alcaldía propón ó Concello Pleno a adopción do seguinte acordo:

Fixar como Festas Locais no Concello de Redondela as seguintes:

- 28 de febreiro, mércores de Cinza
- 23 de abril, Luns do Cristo.

O Pleno do Concello, por unanimidade dos/as Sres/as Concelleiros/as asistentes acordou prestarlle a súa aprobación á proposta antes transcrita.

9.-PROPOSTA DA COMISIÓN INFORMATIVA DE URBANISMO S/CORRECCIÓN DE ERROS NO DOCUMENTO DAS NORMAS SUBSIDIARIAS DE PLANEAMENTO DE ÁMBITO MUNICIPAL DE REDONDELA

Pola Presidencia dase conta da proposta formulada pola Comisión Informativa de Urbanismo, na súa xuntanza de data, 28 de setembro de 2000, que dí:

Con data 6 de novembro de 1987 aprobaronse definitivamente, por acordo da Comisión Provincial de Urbanismo, as Normas Subsidiarias de Planeamento de Ámbito

Serie A N.º 1175935

Municipal de Redondela, téndose publicadas no Boletín Oficial da Provincia nº 85 de 14 de abril de 1988.

A documentación grafiada realizouse sobre cartografía a esc 1:5000, e para os planos de detalle, a esc. 1:2000, sobre plano parcelario do Instituto Xeográfico e Catastral.

No transcurso da vixencia das devanditas Normas teñese observado reiterados erros nas parcelas grafiadas, contradicións entre os planos a escala 1:5000 e 1:2000, erros de calificación por mal grafiado das bases, ou ben contradicións entre a realidade e a documentación das normas.

Na súa virtude, e a vista do expediente promovido polo particular que logo se cita e dos informes favorables emitidos polo Servicio de Disciplina Urbanística, arquitecto asesor municipal e mailo secretario xeral do Concello a comisión informativa de urbanismo, en votación ordinaria e por unanimidade dos/a Sres/a asistentes, estimou oportuno propoñer ó concello Pleno a corrección do seguinte erro no Documento das Normas Subsidiarias de Planeamento de Ámbito Municipal de Redondela.

1) MODIFICACIÓN DO PARCELARIO

1.1).- PROPOSTA

Proponse a corrección do erro detectado no grafiado do plano a escala 1:2000, sinalado e xustificado polo propietario afectado.

1.2).- XUSTIFICACIÓN DA PROPOSTA

O artigo 105.2) da Lei 30/1992, de 26 de novembro, modificada pola Lei 4/1999, di "As administracións públicas poderán, así mesmo, rectificar en calquera momento, de oficio ou a instacia dos interesados, os erros materiais, de feito ou aritméticos existentes nos seus actos", e por outra banda na Normativa e Ordenanzas das Normas Subsidiarias de Planeamento de Ambito Municipal, no seu artigo 11.3 establece: si se deran contradicións entre o plano e a realidade prevalecerá esta última. Polo tanto procede a modificación do plano parcelario recollendo a realidade existente.

1.3).- PARCELA QUE SE PROPON MODIFICAR

De D. MARÍA FERREIRA ALVAREZ, parcela sita en TUIMIL - O VISO, planos P-9 das NN.SS.

De acordo coa documentación adxunta.

O Pleno do Concello, por unanimidade dos/as Sres/as Concelleiros/as asistentes acordou prestarlle a súa aprobación á proposta antes transcrita.



EL NUMERADO
CORPORACIÓN
LOCAIS

**10.-PROPOSTA DA ALCALDÍA S/ CONSTITUCIÓN SOCIEDADE
"TANAMAÑO, SOCIEDAD LIMITADA".**

Pola Presidencia dase conta da proposta da Alcaldía de data 6 de outubro de 2000, que di:

"Por esta Alcaldía, proponse ó Concello Pleno, a adopción do seguinte acordo:

Autorizar ó Alcalde-Presidente deste Concello, D. XAIME MÁXIMO OSCAR REY BARREIRO, para constituí-la sociedade **"TANAMAÑO, SOCIEDAD LIMITADA"**, suscribir participacións sociais, aportar e desembolsar a tal efecto a cantidade en metálico que considere oportuna, ata un máximo de cen mil pesetas, unha participación mínima do 9% no capital social da devandita empresa. No suposto de venda de accións por parte dos socios, no caso de igualdade de prezos, terán preferencia calquera dos outros socios.

Así mesmo autorizarlle para exercer tódolos dereitos e obrigas inherentes á cualidade de socio, e aceptar e desempeñar cargos na mesma, e asinar a tales efectos, os documentos que sexan precisos, sempre que na escritura de constitución ou nos Estatutos, se estableza que os prezos dos servizos a prestar pola sociedade TANAMAÑO, S.L., serán aprobados polo voto dun mínimo do 92% de participacións sociais, e para o suposto de non alcanzar tal participación, os mesmos serán a media dos que se apliquen nos Tanatorios do sur da Provincia.

Pola Presidencia ábrese o correspondente turno de debate:

Concedida a palabra pola Presidencia pola Concelleira Sra. Martínez González, sinálase que se congratula de que se poña a primeira pedra neste asunto do tanatorio, ó que considera un servizo necesario para este Concello e do que dispón xa outros Concellos máis pequenos.

Concedida a palabra pola Presidencia polo Concelleiro Sr. Conde Romero, sinálase que non ten coñecemento de que neste asunto haxa informes dos Sres Secretario e Interventor deste Concello nin tampouco constan os estatutos da citada Sociedade, considerando que a proposta que se trae o Pleno constitúe un cheque en branco ó Sr. Alcalde. Remata a súa intervención o citado Sr. Concelleiro decindo que considera que o tanatorio é bó para Redondela pero que non se dan os pasos iniciais necesarios, manifestando que votará en contra da proposta que se deu conta a este Pleno.

Concedida a palabra pola Presidencia polo Concelleiro Sr. González Iglesias, polo mesmo sinálase que a proposta constitúe a primeira pedra como dixo a Concelleira Sra. Martínez González para a existencia do tanatorio e que logo da proposta viran os estatutos correspondentes e polo que se refire a consignación xa se fará a mesma no seu momento oportuno, sendo as condicións as que figuran na proposta da Alcaldía.

Concedida a palabra pola Presidencia polo Concelleiro Sr. Conde Romero di que non hai estatutos e que non vé nada claro o que se propón, considerando que o mellor que lle convendría ó Concello e que o mesmo tivese na Sociedade máis do cincuenta por cen e remata a súa intervención decindo que debería haber por parte deste Concello un estudo acerca deste tanatorio como fan normalmente os empresarios.



L NUMERA
PORACIÓN
LOCAIS

Serie A N.º 1175936

Concedida a palabra pola Presidencia polo Concelleiro Sr. González Iglesias, sinálase que a proposta é simplemente unha autorización do Pleno do Concello ó Sr. Alcalde, para constituir unha sociedade.

Concedida a palabra pola Presidencia o Sr. Conde Romero insiste en que a presidencia solicite do Sr. Secretario o correspondente informe.

Concedida a palabra pola Presidencia polo Sr. Secretario se sinala que neste asunto do tanatorio polo mesmo xa se ten emitido os correspondentes informes e que as normativas sobre este asunto son de tendencias liberalizadores do sector, non podendose considerar na actualidade o tema de tanatorio como un asunto da competencia exclusiva do Concello.

Continúa na súa intervención o Sr. Secretario indicando que neste punto do orde do día non existe máis documentación que unha proposta do Sr. Alcalde contendo criterios acerca da constitución dunha sociedade. Proposta da Alcaldía que o Sr. Secretario considera como unha decisión política non susceptible de informe por parte deste Secretario, quen por outro lado é en principio considera que a mesma esté en contra da legalidade.

Non habendo unanimidade de criterios, pola Presidencia sométese a votación o presente asunto.

Efectuada ésta obtívose o seguinte resultado: Votos en contra os/as Sres/as Concelleiros do PP (5); Votos a favor os/as Sres/as Concelleiros/as do PSdeG-PSOE (8), e os/as Sres/as Concelleiros/as do BNG (3). Na súa consecuencia por maioría de votos resultou aprobada a proposta da Alcaldía antes transcrita.

E, non habendo máis asuntos que tratar, pola Presidencia dase por rematada a presente sesión, sendo as vinte horas e trinta minutos da data fixada no encabezamento, en proba de todo o que, se estende a presente Acta, que se inscribiu no Libro dende a volta do folio dezasete do Papel Timbrado da Comunidade Autónoma de Galicia, Serie A nº 1175925, ata o folio vinteito, Serie a nº 1175936, de todo o que, como Secretario, DOU FE.-

O ALCALDE, ACCTAL

O SECRETARIO

Asdo: J. Manuel Núñez Salgado

D. Luís Torrado Vázquez

L NUMERADO
PORACIONES
LOCAIS